

## **Pader Flurin Maissen - il cumbattant e pionier ei buca pli**

DA DR. GIUSEP CAPAUL

**(anr) Sonda sontga avonmiezdi sederasa la nova che Pader Flurin Maissen, il senior dalla congregaziun benedictina svizra, seigi morts cun prest 93 onns en clastra a Mustér. Ins veva udiu ils davos dis che sias forzas mondien da rendiu cun ried. Cunquei ch'ils zenns cuschevan il di da sia mort, han ins intervegniu da sia spartgida tras ils mediums. Vigelgia da Pastgas ha pader Flurin bandunau nus per adina. Oz, mardis Pastgas, vegnan sus restonzas terrestr surdadas alla tiara benedida sin il santeri claustral. Bunamein in tschentaner ha sia veta zun activa cuzzau, muentond bia e laschond anavos fermas passidas.**

Pader Flurin Maissen - cul num Fidel - ei naschiu ils 22 d'avrel 1906 sco burgheis da Sumvitg a Glion en ina gronda faniiglia. Il gimnasi ha el frequentau a Mustér e concludiu cun la matura ad Engelberg. Suenter frequenta el in onn lecziuns filosoficas alla Universiad da Friburg ed entra lu en clastra a Mustér. 1929 fa el profess cul num Flurin, tenor il secund patrun dalla diocesa da Cuera. 1933 vegn pader Flurin ordinaus spiritual ed ha primizia. Il talentau conventual dat maneivel damogn ad in tschuat lavur adossada. El instruescha franzos alla scola claustrala, romontsch als novizs, diregia la musica studentica, ei preses dalla congregaziun mariana ed ha quitaun dils hospis. 1934-36 studegia el scienzas, naturalas a Friburg e seprepara aschia sco magister da fisica, matematica, geografia e mineralogia. Denteren eis el staus zacons onns il responsabel per la cuschina. El ha era dirigi in temps il chor claustral. Ses studis ha el concludiu 1944 cun ina dissertaziun davart «Fuorns e cavacristallas en Surselva», in'ovra ch'ha mantenu il caracter da standard.

Pader Flurin era in magister «sui generis», da tut atgna ed unica tempra. Sia stanza da fisica eri in ver cabinet da curiositads, ina combra per da tuttas sorts experiments sco era in forum per discutir davart damondas las pli multifaras. Per numerus da ses students fuvu ella ina fontauna d'ideas e sia istruzziun ina vera oasa alternativa el far e trafficar tradiziunal d'ina scola claustrala. Aschia eis el s'imprimius ella memoria da generaziuns ch'el ha instruiu tochen 1981.

## **Il perschuadiu Romontsch sursilvan**

Lungatg e cultura romontschaein i sia veta ora a pader Flurinfetg a cor. El ei staus 1941 denterils iniziants da «La Talina» -quella revista dalla Romania «pergiuven e vegl che leva s'exercitar esemadirar el scriver» - ch'el ha ereredigiu plirs onns. 1969 ha elconfundau igi Institut per studis retoromontschs a Rumein. Da quel ei sortida 1982 la Fundaziun Retoromana pader Placi a Spescha a Laax. Quella instituziun - per tgirar e derasar il romontsch sursilvan e sia cultura - ha el promoviu sco president, scolast ed animatur. Cura ch'el era dall'opiniun ch'il romontsch sursilvan fuvu en prighel tras certas novaziuns e refuormas, ha el adina puspei alzau e mussau il det, admonend e redamond tochen sisum per ils dretgs da sia minoritad linguistica. Quei succedeva en in lungatg direct e nunfrisau.

## **Igl ecolog profetic**

1965 ha pader Flurin surpriu l'administraziun dil benefeci claustral a Rumein en Lumnezia. Cheu ei in camp resch niev sesaviarts. Sper sia incarica per propi da beneficiat - ch'el ademplescha tochen avon in onn - ha el entschiet a s'occupar e sviluppar alternativas energeticas - sco biogas ed energia solara. Quell'activitad ei sortida da siu profund quitaun per la creaziun divina periclitada dall'explotaziun ed abus tras il patertgar ed agir utilitaristic e consumistic dil carstgaun modern. Da quella perspectiva ei cra seresultada la giustificaziun per siu endinau combat da mantener al Rein sufficientamein aua restonta en connex cun l'erecziun da novas ovras hidraulicas en Surselva e siu clom «Salvei la Greina» per gie buca sfundrar quei plaun sut in lag artificial per gudignar electric.

Pader Flurin ei daventaus in perschuadiu defensur dall'ecologia e tschercau partenari nazional ed internazional dils mieds da massa per motivar e presentar ses postulats concernents. Surlunder ha il «Pader verd» referiu, scret bia e sez redigiu «fegl sgulonts» tras avertir consequentamein ed insistentamein da surfar cun trer a nez las energias'. El sez ei staus consequents. Encunter ina detga opposiziun ha el midau entuorn il bein puril daustral a Rumein en in menaschi ecologic alternativ exemplaric. Il cerchel da ses amitgs, admiraturs e cumbattants ei daventaus gronds e siu clom profetic ius lunsch viadora.

Malgrad il temperament cumbattiv da pader Flurin, siu spért da pionier eis el restaus il perschadiu benedictin che ha tras siu surrir ed humor adina era schau percorscher sia cumponenta humana. Aschia resta el en memoria ton a quels che han admirau sco a tals che han buc adina capiu el. Cun pader Flurin piarda la claustra da Mustér in grond, schegie buc adina sempel conventual, la Surselva romontscha in feigl zun attaschau e biars quel che veva la forza ed il dun profetic da sedustar per quei che cultura e cultira han schenghegiu a nus. Siu testament ei che quei vegni tgirau e duvrau per igl avantatg general che munta ver progress a liunga vesta per il bien da tuts.